

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র ২০০৮ সালে বাংলাদেশকে ৯০ হাজার মেট্রিক টন খাদ্য সহায়তা প্রদান করবে

এই সহায়তার একটি অংশ ঘূর্ণিঝড় সিডর আক্রান্ত জনগণের কাছে যাবে

ঢাকা, ১লা এপ্রিল -- যুক্তরাষ্ট্র সরকার চলতি ২০০৮ সালে বাংলাদেশকে ছয় কোটি ৭৮ লাখ ডলার মূল্যমানের আনুমানিক ৯০ হাজার মেট্রিক টন খাদ্য সহায়তা প্রদান করবে। যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) আমেরিকার জনগণের পক্ষ থেকে এই সহায়তা বিতরণ করবে। বাস্তবে 'ইউএসএআইডি'র সহযোগী প্রতিষ্ঠান কেয়ার ও সেভ দ্য চিলড্রেন ইতিমধ্যেই এই খাদ্য আগের বেশ কয়েকটি চালান পেয়ে গিয়েছে যার মধ্যে রয়েছে গম, ভেজিটেবল অয়েল এবং ইয়েলো পিজ। খাদ্য আগের পরবর্তী চালান "লিবার্টি টেগল" নামের জাহাজ বোঝাই হয়ে বাংলাদেশের পথে রয়েছে এবং আগামী ১৫ই মে জাহাজটি চট্টগ্রাম সমুদ্র বন্দরে পৌঁছানোর কথা। এবারের এই চালানটিতে আনুমানিক ৫০ হাজার মেট্রিক টন গম রয়েছে। এই খাদ্য সহায়তার এক তৃতীয়াংশ বরঞ্জনা ও বাগেরহাট জেলার ঘূর্ণিঝড় সিডের আক্রান্ত লোকজনদের সহায়তায় ব্যবহার করা হবে এবং বাকি আগস্টাম্বু যুক্তরাষ্ট্র সরকারের নিয়মিত খাদ্য সহায়তা কর্মসূচির অংশ হিসেবে দেশের বন্যা-প্রবণ এলাকাসমূহে বণ্টন করা হবে। এছাড়াও, বিভিন্ন মৌসুমে যে সব এলাকায় খাদ্যের অভাব দেখা দেয়, এই খাদ্য আগের একটি অংশ সেখানেও বণ্টন করা হবে।

যুক্তরাষ্ট্র সরকারের অর্থায়নে খাদ্য সহায়তা কর্মসূচির লক্ষ্য হচ্ছে দেশের যেসব জায়গায় খাদ্যের অভাব সবচেয়ে বেশি এবং যে সব জায়গা বুঁকিপূর্ণ সেসব এলাকায় বসবাসরত হতদরিদ্র জনগোষ্ঠীকে সাহায্য করা। পরিকল্পনা ও প্রস্তুতিমূলক পদক্ষেপ গ্রহণের মাধ্যমে দুর্যোগ মোকাবেলা আর উন্নয়নের মধ্যকার ফারাকটুকু দূর করার জন্য এই খাদ্যত্রাণ সহযোগিতা প্রণীত। বিভিন্ন ধরনের উদ্দেশ্যে ব্যবহারের জন্য যুক্তরাষ্ট্র সরকার 'ইউএসএআইডি'-এর মাধ্যমে ২৪৫টি দুর্যোগ আশ্রয় কেন্দ্র নির্মাণে সহায়তা করেছে, গোষ্ঠীভিত্তিক দুর্যোগপূর্ণ পরিস্থিতি মোকাবেলার জন্য প্রায় চার হাজার অবকাঠামো তৈরি করেছে এবং ৩০ হাজার পরিবারের জন্য জরুরি দুর্যোগ মোকাবেলা সামগ্রীর একটি মজুদ গড়ে তুলেছে। আমরা দেশের ২৭৭টি দুর্যোগপ্রবণ উপজেলার

২৭১টিতে স্থানীয় দুর্যোগ মোকাবেলা কমিটি, স্বেচ্ছাসেবী এবং স্কুল শিক্ষকদের প্রশিক্ষণও প্রদান করেছি। ‘ইউএসএআইডি’-র এই কর্মসূচি বসতবাড়ী উঁচু এবং বাজার ও স্কুলের সাথে বর্ধিত সংযোগ সড়ক নির্মাণের মাধ্যমে সম্পদ রক্ষার ওপর জোর দেয়। এই কর্মসূচি হাঁসমুরগীর খামার প্রতিপালন, দুর্ঘ খামার এবং শাকসজ্জি চাষের মত কর্মকাণ্ডের মাধ্যমে হতদরিদ্র জনগোষ্ঠীর জন্য বিকল্প জীবিকা ব্যবস্থাও প্রণয়ন করে থাকে। বিভিন্ন কর্মসংস্থানমূলক প্রকল্পের জন্য খাদ্য ও নগদ অর্থ প্রদানের মাধ্যমে এই কর্মসূচি দরিদ্র জনগোষ্ঠীর জন্য নিরাপত্তা দিয়ে থাকে। সর্বোপরি, এই কর্মসূচির কার্যক্রমসমূহ বাংলাদেশের তিন হাজার গ্রামের ৪০ লাখ জনগোষ্ঠীকে সহায়তা করে আসছে। ‘ইউএসএআইডি’র ১৬ কোটি ৭০ লাখ ডলারের খাদ্য নিরাপত্তা এবং দুর্যোগ ব্যবস্থাপনা কর্মসূচি (ফুড সিকিউরিটি অ্যান্ড ডিজাস্টার ম্যানেজমেন্ট প্রোগ্রাম) আগামী পাঁচ বছর দুর্যোগ ঝুঁকি মোকাবেলা এবং জলবায়ু পরিবর্তন ভূমকির সাথে খাপ খাইয়ে নেয়ার জন্যও কাজ করবে।

গত বছরের ১৫ই নভেম্বর বাংলাদেশের দক্ষিণাঞ্চলে ঘূর্ণিবাঢ়ি সিদ্ধির আঘাত হানার পর থেকে ত্রাণ ও দ্রুত পুনরাবৃত্তির কর্মকাণ্ডে সহায়তা দিতে যুক্তরাষ্ট্র সরকার এ পর্যন্ত এক কোটি ৯০ লাখ ডলারেরও বেশি জরুরি ত্রাণ সহায়তা প্রদান করেছে। বাংলাদেশের ঘূর্ণিবাঢ়ি আক্রান্ত এলাকা পুনর্নির্মাণে সহায়তা করতে যুক্তরাষ্ট্র সরকার পুনরাবৃত্তি ও পুনর্গঠন পর্যবেক্ষণ কাজ অব্যাহত রেখেছে।

‘ইউএসএআইডি’ যুক্তরাষ্ট্র সরকারের প্রধান সংস্থা, যেটি সারা বিশ্বে ১শ'টিরও বেশি দেশে উন্নয়ন সহায়তা কর্মসূচি বাস্তবায়ন করে যাচ্ছে। ১৯৭১ থেকে ২০০৭ সাল পর্যন্ত যুক্তরাষ্ট্র সরকার বাংলাদেশকে পাঁচশ' কোটি ডলারের বেশি উন্নয়ন সহায়তা প্রদান করেছে, যার অর্ধেকেরও বেশি দেয়া হয়েছে খাদ্য সহায়তা হিসেবে। ২০০৭ সালে যুক্তরাষ্ট্র সরকার বাংলাদেশের জনগণকে আট কোটি ২০ লাখ ডলার উন্নয়ন সহায়তা প্রদান করেছে।

=====

জিআর/ ২০০৮

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।